



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

Reuocatio quarundam literarum Pij V. pro militibus S. Ioannis Hierosolymitani, ad terminos Decretorum Concilij Tridentini.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

Reuocatio quarundam literarum Pij V. pro militibus  
S. Ioannis Hierosolymitani, ad terminos De-  
cretorum Concilij Tridentini.

GREGORIUS PAPA XIII.

*Ad perpetuam rei memoriam.*



Ircumspēta in omnibus actibus suis Romani Pontificis prouidentia, interdum ea quæ certis etiam rationalibus tunc suadentibus causis à sede Apostolica emanata reperiuntur, alia superueniente ratione, qua præsertim populorum offensionem occurrunt, & Episcoporum iurisdictioni ritè consulitur, reducere, ac suam declarationem interponere consuevit, & aliàs disuper disponit, prout temporum, rerum, & personarum qualitate pensata, perspicit in Domino salubriter expedire. Cum itaque compertum sit, quamplurimos Clericos sæculares, necnon Laicos, gratijs, & priuilegijs, quibus Sedes Apostolica dilectos filios Magistrum, Conuentum, & milites Hospitalis S. Ioannis Hierosolymitani de Republica Christiana optimè semper meritos, ac eorum Ecclesias, & loca liberaliter prosequuta est, abutentes, vnde sibi religiosius viuendi legem imponere deberent, inde laxioris vitæ occasionem arripere, dum varios, sæpe etiam vanos exemptionis libertatisque titulos prætexunt: alij quidem quod pro Vicarijs, Capellanis, ministris, & inseruientibus Ecclesijs dicti Hospitalis quomodolibet ascripti sint, alij vero quod coloni, procuratores, & familiares ipsorum militum existant, quamuis in proprijs domibus licenter degant, nihilominus ex prædictorum militum priuilegijs, illorumque confirmatione etiam post Concilium Tridentinum à sæli. re. Pio Papa V. prædecessore nostro obtenta, prætendant se ab omni iurisdictione ordinariorum exemptos esse, nec ab illis inquiri, uisitari, puniri, aut corrigi posse, eoque ipso delictorum suorum sibi impunitate promissa, grauem in populo offensionem præbere, & in Episcoporum iurisdictione perturbationem indies maiorem excitare dignoscantur. Idcirco nos huic malo, quod à prædicto Concilio multò ante preuisum fuerat, salubriter prouidere volentes, Motu proprio, non ad alicuius nobis super hoc oblatæ petitionis instantiam, sed ex mera nostra voluntate, ac deliberatione, & certa scientia, deque Apostolicæ potestatis plenitudine omnia, & singula priuilegia, exemptiones, gratias, & indulta, Magistro, Conuentui, Militibus, & militiæ dicti Hospitalis per

N n n 4 quof-



quoscunq; Romanos Pontifices p̄decessores nostros, & sedem p̄dictam in genere vel in specie quomodolibet concessa, & confirmata, nec non Pij Quinti litteras super eorundē confirmatione emanatas sub Dat. Romæ apud Sanctum Petrum sub annulo Piscatoris, die xxix. No uembris. M D LXVIII. Pontificatus sui Anno Tertio, ad p̄dicti Concilij decretorum terminos tenore p̄sentium reducimus, ac reduta esse, nihilque ex ipsis priuilegijs, exemptionibus, gratijs, & indultis Ordinarijs, locorum detractum esse, quominus ipsorum militum uicarij, capellani, ministri, seruiantes, ascripti, coloni, procuratores, & familiares militum huiusmodi, quibus ea iam concessa sunt, & in posterum concedi contigerit, ab ipsis Ordinarijs tanquam Apostolice sedis delegatis de eorum excessibus, criminibus, & delictis etiam extra uisitationem, quando, & quoties opus fuerit, inquiri, uisitari, puniri, & corrigi possint, ipsorumque Ordinarij iurisdictioni plenè in p̄dictis subiecti existant (exceptis tamen ijs, qui ecclesijs, alijsque locis dictorum militum actu seruiunt, & intra eorum septa, & domos resident, ac sub eorum obedientia uiuunt, quæ omnia debere simul concurrere intelligantur, siue ijs, qui legitime, & secundum regulam p̄dictæ religionis professionem fecerint, de qua loci Ordinatio constare debeat) & ita in p̄missis omnibus, & singulis per quoscunque Iudices ordinarios, & delegatos quauis auctoritate fungentes, etiam causarum Palatii Apostolici Auditores, ac Sanctæ Romanæ Ecclesiæ Cardinales, sublatis eis, & eorum cuilibet quauis aliter iudicandi, & interpretandi facultate, & auctoritate in quauis causa, & instantia iudicari, & definiti debere, p̄sentisque litteras de subreptionis, uel obreptionis uitio, seu intentionis nostræ defectu notari, uel impugnari non posse, sed illas semper validas, & efficaces esse, nec per Magistrum, Conuētum, & milites p̄dictos quorumcunque priuilegiorum, statutorum, consuetudinum, & styli p̄textu ullatenus infringi, uel contra illas, & in eis cōtenta ueniri nō posse, neq; debere, irritumq; quoq; & inane quicquid secus super his à quoquam quauis auctoritate scienter, uel ignoranter contigerit attemptari decernimus, & declaramus. Non obstantibus p̄missis, ac constitutionibus, & ordinationibus Apostolicis, ac dicti hospitalis etiam iuramento, confirmatione Apostolica, uel quauis firmitate alia roboratis statutis, & consuetudinibus, stabilimentis, uisibus, & naturis, necnon declarationibus, sententijs, iuramentis, concordijs, priuilegijs quoq; indultis, & litteris Apostolicis Magistro, & Conuentui, ac militibus p̄dictis, & eorum Vicarijs, capellanis, colonis familiaribus, procuratoribus, & alijs quibuslibet ipsorū militum intuitu, uel contemplatione per quoscunque Romanos Pōtifices, & sedem p̄dictam quomodolibet concessis, cōfirmatis, & innouatis; Quibus omnibus, & singulis, et si pro sufficienti



ficienti eorum derogatione de illis, eorumq; totis tenoribus specialis specifica, expressa, & indiuidua, non autem per clausulas generales idē importantes mentio habenda, aut aliqua alia exquisita forma ad hoc seruanda foret, illorum tenores, ac si de uerbo ad uerbū nihil penitus omisso, & forma in illis tradita obseruata inserti forent, presentibus pro sufficienter expressis, & insertis habentes ad effectum presentium duntaxat specialiter, & expresse motu simili derogamus, ceterisque contrarijs quibuscumque. Eisdem Pij Papę V. litteris memoratis quoad alia, & in eo maxime, quod uoluit predictorum militum priuilegia, illorumque confirmationem non comprehendere, neque ecclesias, neque personas in his, quę ad curam animarum pertinent, sed in his dicti Concilij Tridentini decreta omnino seruari debere, in suo robore permanentibus. Volumus autem, quod presentium transcriptis etiam impressis manu Notarij publici subscriptis, & sigillo personę in dignitate ecclesiastica constitutę munitis, eadem ubique fides, tam in iudicio, quam extra adhibeatur, quę eisdem presentibus adhiberetur si forent exhibitę uel ostensę. Dat. Romę apud Sanctum Petrum sub annulo Piscatoris, die xxv. Nouembris. M. D. LXXX. Pontificatus nostri Anno Nono.

Cæ. Glorierius.

**I**lustrissimus, & Reuerendissimus in Christo Pater, & D. D. Carolus S. R. E. Presbyter Card. tit. S. Praxedis Archiepiscopus Mediolani. Volens predictas litteras, & in eis contenta ad omnium notitiam peruenire, mandauit earum exempla per infra scriptum R. Cancell. Archiepiscopalem subsignatas, sigilloque Archiepiscopali S. Ambrosij munitas, Basilicę Metropolitanę, & Palatij Archiepiscopalis ualuis, ac alijs locis solitis affigi, ac ad Reuerendissimos D. Episcopos Comprovinciales mitti. Dat. Ex Palatio Archiepiscopali, Die x. Ianuarii. M. D. LXXXI.

N. Gal, Vic. Generalis.

M. Ant. Bellinus Med. Ecc. Can.  
Ord. Archiep. Cancell.

De